

## 韶州曹溪山六祖壇經

### 〈真福寺本〉對錄文

內觀教育基金會編集（2018.05）

#### 【對錄文說明】

- (1) 〈真福寺本〉是日本真福寺寶生院(大須觀音)藏的《六祖壇經》，影本見：石井修道編集，《中國禪籍集二》〈中世禪籍叢刊〉第九卷，日本：臨川書店，2016。
- (2) 對錄文的頁碼：依據上述〈真福寺本〉影本。
- (3) 對錄文的每行都依據原抄本排列。對錄文的每字也盡量接近原抄本。
- (4) 行書特別字、俗字，用紅色標示，有時改成繁體。
- (5) 明顯的錯字、衍字、有疑問處用藍色標示。

### 〈真福寺本〉對錄文

07 封面

六祖壇經 第六十九合

09 序

韶州曹溪山六祖壇經序

依真小師邕州羅秀山山慧進禪院沙門惠昕述  
原夫真如佛性本在人心，正即諸境難侵，心邪即  
衆塵易染，能正心念衆惡自亡，眾惡既亡，諸善皆  
備，非假外求。悟法之人，自心如日，遍照世間，一切无礙。  
見性之人，雖處人倫，其心自在，无所惑亂矣。故我  
六祖大師廣為學徒，直說見性法門，忽令自悟成

10

佛目曰：壇經流傳後，學古本文繁披覽之徒，初  
忻後厭。余以太歲丁卯月在蕤賓二十三日辛亥  
於思迎塔院分為兩卷，開十一門，貴接後來同  
見佛性者也。

- 一韶州刺史韋璩等衆請說法門
- 二大師自說悟法傳衣門
- 三為時衆說定惠門

11

四教授坐禪門

五說傳香懺悔發願門

六說一體三身佛相門

一眾請說法門

大師初從南海上至曹溪韶州刺史韋璩等請於梵寺講堂中為眾開緣受无相戒說摩訶般若波羅蜜法大師是日說頓教直了見性

12

无疑普告僧俗令言下各悟本心現成佛道座下僧尼道俗一千餘人刺史官寮等三十餘人儒宗學士三十餘人同請大師說是法門刺史韋璩令門人法海抄錄流行傳示後代若承彼宗旨學道者遍相教授者有所依憑耳

二悟法傳衣門

尔時大師既昇座已而示眾言善知識忽淨心

13

念摩訶般若波羅蜜大師良久不語自淨其心忽然告言善知識菩提自性本來清淨但用此心直了成佛大師言善知識且聽某甲行由得法事意某甲嚴父本貫范陽降流千南作蕪州百姓此身不幸父少早亡老母孤遺移來南海艱貧乏於市賣柴時有一客買某甲柴便令送至官店客收柴去某甲得錢却出門外見有一

14

客讀金剛經某甲一聞心便開悟遂問客言從何所來持此經典客云我從蕪州黃梅縣東憑母山來其山是第五祖弘忍大師在彼土化門人一千有餘我到彼山禮拜聽受此經大師常勸僧俗但持金剛經即自見性直了成佛某甲聞說宿業有緣乃蒙一客取銀十兩與某甲令充老母衣糧教某甲便往黃梅禮拜五祖某甲安置

15

母畢便辭親不經三十餘日便至黃梅禮拜五祖問曰汝何方人來到此山禮拜今向吾邊欲求何物某甲對云弟子是嶺南人蕪州百姓遠來禮師唯求作佛不求餘物五祖責曰汝是嶺南人又是獼獠若為堪作佛某甲言人雖有南北佛性本无南北獼獠身與和尚不同佛性有何差別大師更欲共某甲久語且見徒眾忽在身邊乃令某甲隨眾作

16

務某甲啟和尚言弟子自心常生智惠不離自性  
即是種田未審和尚教作何務五祖言這獗獗根  
性大利更勿言且去後院有一行者差某甲破柴踏  
碓八箇餘月五祖一日忽見某甲言吾思汝之明  
見恐有惡人害汝遂不與言汝知之不某甲言  
弟子亦知師意不敢行至堂前令衆人不覺五祖  
一日喚諸門人忽來吾向汝說世人生死事大汝  
17

等終日供養只求福田不求出離生死苦海汝自性迷  
福何可救汝等各去後院自看智惠取自本心般若  
之性各作一偈來呈吾看若悟大意付汝衣法為  
第六代祖火急不得遲滯思量即不中用見性之  
人言下須見若此輪力上陳亦不得見衆得處分  
來至後院遞相謂曰我等衆人不須呈心用意作  
偈將呈和尚有何所益神秀上座見為教授師  
18

必是他得我輩謾作偈誦枉用心力諸人聞語各自  
息心咸言我等迤後依止神秀即得何煩作偈神秀  
思惟諸人不呈偈者為我與他為教授師我須作偈  
將呈和尚若不呈偈和尚如何知我心中見解深淺  
我呈偈意即善求佛覓祖即惡却同凡心奪其  
聖位无別若不呈偈終不得法大難々々五祖堂前  
有步廊三間擬請供奉盧珍畫楞伽變相及  
19

五祖血脉圖流傳供養神秀作偈成已數度欲呈  
行至堂前心中恍惚遍體汗流擬呈不得前後經過  
四日一十三度呈偈不得秀乃思惟不如向廊下書  
着彼偈和尚看見忽若道口好即出頂礼云是秀作  
若道口不堪枉向山中數年受人礼拜更脩何道  
言訖夜至三更不便人知自執燈燭於南廊中間  
壁上書无相偈呈心所見神秀偈曰  
20

身是菩提樹 心如明鏡臺 時時勤拂拭 莫使染塵埃  
秀書偈了便却歸房人忽不知神秀思惟五祖  
明日見偈歡喜出見和尚即言秀作若言  
不堪自是我迷宿業障重不令得法聖意難  
測房中思想坐臥不安直至五更五祖即知神  
秀入門未得不見自性喫粥了便即天明五祖方  
便喚盧供奉來擬向南廊書五代血脉供養

21

五祖忽見其偈報言供奉不却畫也輒奉十  
千勞供奉遠來金剛經云凡所有相皆是虛妄不  
如留此偈令迷人誦依此偈脩免墮三惡依此脩  
行人天大有利益五祖喚門人燒香偈前令凡人  
見生敬重心汝等盡須誦取悟此偈者即得見  
性依此脩行必不墮落門人盡誦皆歎善哉  
五祖三更喚秀入堂問是汝作此偈不若是

22

汝作應得吾法秀言罪過實是秀作亦不  
求祖位望和尚慈悲看弟子心中有少智慧不  
五祖言汝作此偈未見本性只到門上未離凡  
夫愚依此脩行即不墮落如此見解無上菩提  
提即不可得無上菩提須得言下識自本心見自  
本性不生不滅於一切時中念念自見萬法無滯  
一真一切真萬境自如々之心即是真實若如是

23

見者即是無上菩提之自性也五祖言汝且去一兩  
日思惟更作一偈將來呈吾看汝偈若得入門  
見自本性付汝衣鉢吾不惜法汝見自遲秀乃  
作禮便出又經數日作偈不成心中恍惚神思不  
安由如夢中行坐不樂復經兩日有一童子於碓  
坊過唱誦其偈某甲一聞便知此偈未見本性  
某甲教授未蒙早識本意遂問童子言誦

24

者是何偈童子曰余這獼猴不知大師言世人  
生死事大欲得傳付衣鉢令門人作偈來者看  
若悟大意即付衣鉢為第六祖神秀上座於  
南廊壁上書無相偈五祖令門人盡誦此偈  
若得悟者即見自性成佛依此脩行即不墮落某  
甲言上人我在此踏碓八個餘月未曾行到堂  
望上人引至偈前禮拜亦要誦取結來生緣

25

同生佛地童子便引某甲到南廊禮拜偈頌某甲  
為不識字請一上人為讀某甲得聞願生佛會  
時有江州別駕姓張名日用便高聲讀某甲  
一聞即識大意即言某甲亦有一偈望別駕  
書安壁上別駕言獼猴汝亦作偈其事希有  
某甲啟別駕言若學無上菩提不得輕於初學

俗諺云下人有人上人有智上人勿意智即有**无**

26

量**无**邊張曰用言汝但誦偈吾為汝書安西壁上

汝**若**得法先須度吾勿**忘**此言某甲偈曰

菩提本**无**樹 明鏡亦非**臺** 本來**无**一物 何處有**塵埃**

說此偈已僧俗忽驚山中徒眾無不嗟訝各相

謂言奇**哉**不得**以貌取**人何得多時使他肉

身菩薩五祖見眾人盡**恠**恐人損他向後**无**

人傳法逐便混破向眾人言此偈亦未見性云

27

何讚歎眾便息心皆言未了各自歸房更不

讚歎五祖其夜三更喚某甲至堂內以袈裟

遮圍不令人見為某甲說金剛經恰至應**无所**

住而生其心言下便悟一切**万**法不離自性某甲

啟言和尚何期自性本自清淨何期自性本不生

滅何期自性本自具**足**何期自性**无**動**无**搖能生

**万**法五祖知悟本性乃報某甲言不識本心學法

28

**无**益言下識自本心見自本性即名丈夫天人

師三更受法人盡不知便傳頓教及衣鉢云汝為

第六代祖善自護念應度迷人將衣為信稟代

相承法即心傳心皆令自解自古佛唯傳本**躰**

師默付本心令汝自見自悟五祖言自古傳法

命似懸絲**若**住此間有人**害**汝須速去某甲

言某甲是南中人久不知此山路如何出得江

29

口五祖言汝不須憂吾自送汝某甲領得衣鉢

三更便發歸南五祖相送直至九江驛邊有

一隻船子五祖令某甲上船五祖把櫓自搖某甲

言請和尚坐弟子令搖櫓五祖言只令吾度汝不

可汝却度吾**无**有是處某甲言弟子迷時和

尚須度今既已悟過江搖櫓合是弟子度度名

雖一用處不同某甲生在邊方語又不**正**蒙師

30

教旨付性今已得悟即合自性自度五祖言如是

如是但依此見施後佛法大行矣汝去後一年吾

即前逝五祖言汝今好去努力向南五年佛法

難起他後行化善誘迷人**若**得心開與吾**无**別

辭違已了便發向南兩月中間至大庾嶺不知

逐後數十人來欲**趙**某甲**奪**衣取法來至半路  
盡忽却迴唯有一僧姓陳名惠明先是四品將軍  
31

性行**麤**惡直至大**庾**嶺頭**趙**及某甲便還衣鉢又  
不肯取言我欲求法不要其衣某甲**即**於嶺頭  
便傳正法惠明聞說言下心開某甲却令向北接人  
某甲**後**至曹溪又被**惡**人尋逐乃於**四**會縣避難  
**經**五年常在獵中**雖**在獵中每與獵人說法某  
甲東山得法辛苦受盡命似懸絲今日大眾同  
會得聞乃是過去千生**曾**供養諸佛方始得聞无  
32

上自性頓教某甲与使君及官寮道俗有累劫之  
**因**教是先代**所**傳不是某甲自智願聞先聖教**旨**  
各須淨心聞了各自除疑如先代聖人无別大師言  
善知識菩提般若之智世人本自有之只緣心迷  
不能自悟須求大善知識示道愚人智人佛性本  
无差別只緣迷悟不同所以有愚有智也  
三為時衆說定**惠**門

33  
師言善知識我此法門以定**惠**為本大眾勿迷  
言定**惠**別定**惠**一躰不是二定是**惠**躰惠是定  
用即**惠**之時定在惠即定時**惠**在定若識此**義**  
即是定**惠**等學諸學道人莫言先定發**惠**先**惠**  
**發**定**惠**各別作此見者法即有二相口說善心中  
不善定**惠**不尋心口俱善內外一種定**惠**即等自  
悟**脩**行不在於**淨**若**淨**先後即同迷人不断勝負却  
34

增法我不離**四**相善知識一行三昧者於一切處行住坐  
臥常行一直心是也淨名**經**云直心是道場直心是淨  
土莫心行諂曲口但說直口說一行三昧不行直但  
行直心於一切法无有執著迷人著法相執一行三昧直  
言坐不動是早已執迷悟即除**妄**不起心即是一  
行三昧此法若同无情卻是障道**因**緣善知識道  
順通流何以却滯心不住法道即通流心若住法  
35

名為自縛若言坐不動是只如舍利弗宴坐林中**不**  
合被維摩詰呵善知識又見有人教人坐**看**心**看**淨  
不動不起從此**置**功迷人不會便執成顛即有**數**  
百人如是相教故知大錯善知識定**惠**由如何**等**由

如燈光有燈即光无燈不光燈是光之**躰**光是燈之用名雖有二**躰**本同一此**定惠**法亦復如是善知識本來**正教**无有頓漸人性自有利鈍迷人

36

漸**契**悟人頓**脩**自識本心自見本性即无**差別**所以立頓漸之假名善知識我此法門從上迤來先立**无念**為宗**无相**為**躰****无住**為本何名**无相**於相而離相**无念**者於念而不念**无住**者人之本性於世間善惡好醜乃至**冤**之與親言語觸判欺**妄**諍之時並將為空不思**酬害**念々之中不思前境若前念後念々々相續不断名為繫縛於諸法上念々不住

37

即**无縛**也是以**无住**為本善知識外離一切相名為**无相**能離即法**躰**清淨是以**无相**為**躰**善知識於諸境上心若離万萬境常**寂**念上常離諸境不於境上生心莫百物不生心莫思念盡除却即**无別處**受生學道者莫不識法意自錯猶可更勸他人自迷不見又謗佛**經**所以立**无念**為宗善知識云何**无念**為宗只緣口說不見性迷人於境上有念々上

38

便起邪見一切塵勞**妄想**從此而生自性本**无**一法可得若有所得**妄**說禍**福**即是塵勞耶此法門立**无念**為宗世善知識**无**者**无**何事念者念何物**无**者**无**二相諸塵勞之心念者念真如本性真如即是念之**躰**念是真如之用真如自性起念非眼耳鼻舌能真如有性所以起念真如若**无**眼耳色聲？當時即壞善知識真如自性起念六根淨

39

見聞覺知不染万境真性而常自在外能分別淨色相內於**第**一義而不動善諸識此門坐禪亦不**看**心亦不**看**淨亦不言不動若言**看**心々元是**妄**知如？故**无**所**看**也若**看**淨人性本淨由**妄**念故蓋覆真如但**无**妄想性自清淨起心**看**淨却生淨**妄**々**无**處所**看**者是**妄**淨**无**形相却立淨相言是功夫作此見者障自本性却被淨縛善知識若**脩**

40

不動者但見一切人時不見人之是非善惡過患即是自性不動善知識迷人身雖不動開口便說他人是非長短好惡與道違背也若**看**心**看**淨者却

障道也

#### 四教授坐禪門

師言善知識何名坐禪此法門中无障无碍外  
於一切善惡境界心念不起名為坐內見自性

41

不乱為名禪善知識何名禪定外離相為禪內  
不乱為定外若著相內心即乱外若離相心即不乱  
本性自淨自定只為見境思境即乱若見諸境  
心不乱者是真定也善知識外離相即禪內不乱即  
定外禪內定是為真定淨名經云豁然還得本心  
菩薩經云我本自性清淨善知識於念中自見  
本性清淨自脩自行成佛道

42

#### 五傳香懺悔發願門

師言善知識某甲一會在此皆共有緣今各胡  
說傳自性五分法身香一謂戒香即自心中无非  
无惡无嫉无妬无貪嗔无？害名曰戒香二定香  
即觀諸善惡境相自心不乱即是也三惠香者自  
心无癡常取智惠觀照自性不造諸惡雖脩衆  
善心不執著畏上愛下顧孤恤貧此名惠香

43

解脫香即自心无所攀緣不思善不思惡自在无  
碍名解脫香五解脫知見香者自心既无攀緣善  
惡不可沉空守寂即須廣學多聞識自本  
心達諸佛理言滿天下无口過行滿天下无怨惡和  
於接物无我无人直至菩提真性不易名解脫  
知見香善知識此香各自內薰莫於外覓今與  
善知識无相懺悔滅除心中河沙積劫之罪

44

善知識前念後念及今念念念念不被愚迷染從前  
惡念一時除自性自除真懺悔前念後念及今  
念念不被雜妄染除却從前憍慢心永断名  
為自性懺前念後念及今念念不被疽妬染除  
却從前疽妬心永断名為自性懺以上三遍唱師言今  
既懺悔已一時遂某甲道口與善知識發四弘誓願  
用心自聽自心邪迷衆生誓願度自心煩惱无

45

邊誓願断自性法門无盡誓願學无上自性佛道  
誓願成已上三遍唱師言善知識大家豈不道衆生无边

誓願度任麼道是不是某甲度善知識心中衆  
生所謂邪迷心誑妄心不善心疽妬心惡毒心如是心  
有盡是衆生各須自性自度是名真度何名自性  
自度即自心中邪見煩惱愚癡衆生將正見度既  
有正見使般若智打破愚癡迷妄衆生各々自度  
46

邪來正度迷來悟度愚來智度惡來善度如是  
善度名為真度又煩惱无边誓願斷自性除却虛  
妄思想心是也又法門无边誓願學須自見性常  
下心行於普敬離迷樂覺當生般若除真除妄即  
見佛性即言下佛道成常念脩行是願力法師言  
善知識今發四弘願了又與善知識受无相三皈  
47

依善知識皈依學二足尊皈依正離欲尊皈依淨  
衆中尊從今日去稱覺為師更莫餘邪迷外  
道以自性三寶常自證明某甲勸吾善知識皈依  
自性三寶佛者覺也法者正也僧者淨也自心皈依  
覺邪迷不生少欲知足能離財色名二足尊自心  
皈依正念々无邪見以无邪見故即无人我貢高貪  
愛執著名離欲尊自心皈依淨一切塵勞妄念雖  
48

在自性皆不染著名衆中尊若脩此行是自皈依  
凡夫不會從日至日受三皈或若言皈依佛々在何處  
若不見佛憑何所皈依言却成妄善知識各自觀察  
莫錯用心經文明即言自皈依佛不言皈依他佛  
自性不皈无所皈處今既自悟各須皈依自心三  
寶內調心性外敬他人是自皈依也

六說一躰三身佛相門

49

師言善知識各名至心某甲與說一躰三身#自  
性佛令善知識見三身了然自悟自性惣隨某

歸依清淨法身佛於自色身中歸

甲道於自色身皈依千百億他身佛於自色身皈  
依圓滿報身佛已上三遍唱善知識色身舍宅不可言皈向  
者三身在自性中世人惣有為自心迷不見內性外覓  
三身如來不見自身中有三世佛善知識聽說令  
善知識於自身中見自性有三世佛此三身佛從自

50

性生不從外得何名清淨法身世人性本清淨万法

從自性生思量一切惡事即生惡行思量一切善  
事即生善行如是諸法在自性中如天常清日  
月常明為浮雲蓋覆上明下暗忽遇風吹衆  
雲散盡上下俱明外衆皆現世人性常浮游如  
被雲天亦復如是善知識智如日惠如月智惠  
常明於外著境被妄念浮雲蓋覆自性不得

51

明朗若遇善知識聞真正法自除迷妄內外明徹  
自性中萬法皆現見性之人亦復如此是名清淨  
法身佛善知識自心皈依自性是皈依真佛自皈  
依者除却自性不善心疽妬心憍誑心吾我心誑妄  
心輕人心慢他心邪見心貢高心及一切中不善行常  
自見己過不說他人好惡是自皈依常須下心  
行於普敬即是見性通達更無滯礙是自

52

皈依何名千百億化身若不思萬法性本如空一  
念思量名為變化思量惡事化為地獄思量善  
事化為天堂毒害化為龍蛇慈悲化為菩薩智惡  
化為上界愚癡化為下方自性變化甚多迷人不能  
者覺念起惡常行惡道迴一念善智惠即生此是自  
性化身佛何名圓滿報身譬如一燈能除千年  
闇一智能滅萬年愚莫思向前已過常思於後

53

念圓滿明白見本性善惡雖殊本性无二无二之  
性名為實性於實性中不染善惡此名圓滿  
報身佛師言自性起一念惡報滅萬劫善因自性  
起一念善報得河沙惡盡直至无上念自見不失  
本念若為報身善知識從法身思量即是化身佛  
念自性自見即是報身佛自悟自脩自性功德  
是真自皈依皮肉是色身色身是舍宅不言

54

皈也但悟自性三身即識自性大意

## 六祖壇經卷上

55

空白

56

空白

57

二之四

六祖壇經

第六十九合

58

空白

59

六祖壇經卷下

依真小師邕州羅秀山惠進禪院沙門惠昕述

七說摩訶般若波羅蜜門

八現西方相狀門 武帝問功德附

九諸宗難問門

十南北二宗見門

十一教示僧門 示寂年月附

60

七說摩訶般若波羅蜜門

師言善知識既識三身佛了更為善知識說摩

訶般若波羅蜜法各至心諦聽世人終日口念本

躰不識自性由如誦食口但說空万劫不得見性

某甲與說善知識摩訶般若波羅蜜是梵語

此言大智惠到彼岸此須心行不在口說口念

心不行如幻如電口念心行即心口相應本性是佛

61

離性无別佛何名摩訶々々是大心量由如虛空

无有邊畔亦无方圓大小非青黃赤白亦无上

下長短无嗔无喜无是无非无善无惡无有頭

尾諸佛刹土盡同虛空世人妙性本空无一法可

得喻此大空自性真空亦復如是善知識今聞某

甲說空終便即著空第一莫空若空心淨坐即落无

記空終不成佛法善知識世界虛空能合万物色

62

衆日月星宿山河泉源溪澗一切樹木惡人善人惡

法善法天堂地獄一切大海須弥諸山惣在空中世人

性空亦復如是師言善知識自性能合万法是大万

法在善知識性中若見一切人惡與善盡皆不捨亦

不染著心如虛空名之為大善知識迷人說智者

心行又有迷人空心淨坐百无所思自稱為大此一

輩人不可共說為邪見故善知識心量廣大廓

63

周法界用即了々分明應用遍知一切々々是一々即一切云  
來心無滯此是善知識一切般若智心皆從自性而  
生不從外人莫錯用意名真自用一真一切真  
心量大事不行小道口莫終日說空心中不脩  
行此行恰似凡人自稱國王終不可得非吾弟子善  
知識何名般若々々是知惠一切處所一切時中念  
不愚常行智惠即是般若行一念愚即般若

64

絕一念智即般若生世人愚迷不見般若口說般若  
心中常愚自言我脩般若念々說空不識真空  
般若无形相智惠心即是若作如是解即名般若  
智何名波羅蜜此是西國語漢言到彼岸解義離  
生滅著境生滅起如水有波浪即是於此岸觀境  
无生滅如水常通流即名為彼岸故号波羅蜜  
善知識迷人口念當之時有妄有非念々若行是名

65

真性悟此法者是般若法脩行此行者者是般若行  
不脩即凡一念脩行法身等佛善知識煩惱即是菩  
提前念迷即凡後念悟即佛前念著境即煩惱後念  
離境即菩提善知識摩訶般若波羅蜜取尊取上  
取第一无住无往來三世諸佛皆從中出用大智惠打  
破五蘊煩惱塵勞若人脩行定成佛道變三毒  
為戒定惠善知識我此法門從一般若生八万四千智

66

惠何以故為世人有八万四千塵勞若无塵勞智惠  
常在不離自性悟此法者即是无念无境无著无  
妄莫起誑妄用自真如性以智惠觀照於一切法不  
取不捨即是性成佛道善知識若欲入甚深法界入般  
若三昧者須脩般若行持誦金剛般若經即得見性  
當知此功德无量无边經中分明讚歎不能具說此  
法門是取上乘為大智人說為上根人說小根小

67

智人聞心生不信何以故譬如大龍下雨於閻浮提  
漂流棗葉若兩大海不增不減若大乘人若取  
上乘人聞說金剛經心開悟解故知本性自有般  
若之智自用智惠常觀照故不假文字譬如兩  
水不從天有元是龍王於江海中將身攬上令一切  
衆生一切草木有情无情悉皆蒙潤諸水衆流

却入大海合為一脉衆生本性般若之智亦復

68

如是善知識小根之人聞此頓教由如草木根性自  
小若被大雨皆悉自倒不能增長小根之人亦復  
如是還有般若之智與大智之人更无差別因何  
聞法亦有悟不悟緣邪見障重煩惱根深由如  
大雲覆盖於日不得風吹日无不現般若之智亦  
无大小為一切衆生自心迷悟不同迷心外見脩  
覓佛來悟自性即是小根若聞頓教不執外

69

脩但於自心常起正見邪見煩惱塵勞常不能  
溢即是見性善知識內外不住去來自由能除執  
心通達无礙能脩此行與般若經本无差別善知  
識一切經書及諸文字大小二乘十二部經皆因人  
置因智慧性方能建立若无世人一切万法本自  
不有故知万法本因人與一切經書因人說有緣其  
人中有愚有智愚為小故知智為大人愚者問於智

70

人智者与愚人說法令其悟解心開愚人若悟心  
開與智人无別善知識不悟即佛是衆生一念  
悟時衆生是佛故知万法盡在自心何不從自心  
中頓見真如本性菩薩戒經云我本源自性清淨  
識心見性皆成佛道即時豁然還得本心善知  
識我於忍和尚處一聞言下便悟頓見真如本性  
是以將此教法流行令學道者頓悟菩提各自觀

71

心自見本性若自不悟須覓大善知識解取上乘  
法者直示正路是大善知識有大因緣所謂他導令  
得見性一切善法因善知識能發起故三世諸佛十  
二部經在人性中本自具有不能自悟須求善知  
識示導方見若自悟者不假外善知識望得解脫  
无有是處自心內知識自悟即是自心若起邪迷  
妄念顛倒外善知識雖有教授救不可得自心

72

若正起般若觀照一剎那間妄念俱滅若識自  
性一悟即至佛地善知識智慧觀照內外明徹  
識自本心若識本心即本解脫即是般若三昧即  
是无念何名无念若見一切法心不染著是為无  
念用即遍一切處亦不著一切處但淨本心使六

識從六門走出於六塵中无染无雜來去自由通  
同无滯即是般若三昧自在解脫名无念行莫百  
73

物不思當令念絕即是法縛名邊見善知識悟无  
念法者万法盡通悟无念法者見諸佛境界悟  
无念法者至佛位地善知識後代得吾法者常  
見吾法身不離汝左右善知識將此頓教法門同  
見同行發願受持如事佛故終身受持而不退者  
欲入聖位然須傳受從上迤來默傳分付不得匿  
其正法若不同見因行在別法中不得傳付損彼  
74

前人究竟无益恐愚不解謗此法門百劫千生断  
佛種性善知識吾有一无相頌汝等誦取言下令  
汝迷罪消滅頌曰

迷人脩福不脩道	口言脩福便是道
布施供養福无边	心中三惡元來造
擬將脩福欲滅罪	後世得福罪還在
但向心中除罪緣	名自性中真懺悔

75

忽悟大乘真懺悔	除邪行正即无罪
學道常於自性觀	即與諸佛同一例
五祖唯傳此頓法	普願見性同一躰
若欲當來覓法身	離諸法相心中洗
努力自見莫悠々	後念忽絕一世休
若悟本乘得見性	虔恭合掌至心求

師言今於大梵寺中說此頓教普願法界衆生

76

於此言下見性成佛師說法了韋使君與官員  
道俗一時作礼无不悟者歎善哉何期嶺南有佛  
出世

八示西方相狀門 武帝問功德附

尔時韋氏君再肅容儀礼拜問曰弟子聞和尚  
說法實不可思議今有少疑欲問和尚願大慈  
悲特為解說師曰有疑即問何須再三使君

77

曰和尚所說可不是達磨大師宗旨師言是弟  
子聞說達磨初梁朝武帝問朕一生迤來造  
寺供僧布施設齋有何功德達磨言實无功德  
武帝悵快不稱本情遂令達磨出境弟子未

達此理願和尚為說達磨意旨如何師曰實无  
功德勿疑先聖之言武帝心邪不知正法造寺供  
養布施設齋名為求福不可將福便為功德在法身  
78

中不在脩福師曰見性是功平直是德念无滯  
常見本性真實妙用名為功德外行禮敬是功  
內心謙下是德自性達立万法是功心離心念是  
德不離自性是功應用无染是德若覓功德法  
身但依此作是真功德若脩功德之人心即不輕  
常行普敬也師曰心常輕人吾我不断即自无  
功自性虛妄不實即自无德无功德之人為吾我  
79

自大常輕一切故善知識念无間是功心行平直  
是德自脩身是功自脩性是德即不輕常行  
普敬韋使君默然作觀師言善知識功德源自  
性內見不是布施供養之所求也是以福德與功德  
別武帝不識理非我祖師有過使君頂禮願為弟  
子又問弟子常見僧俗念阿彌陀經願生西方  
請和尚說得生彼不願為破礙師言使君善聽  
80

某甲與說世尊在舍衛城中說西方引化經文  
分明去此不遠若論相說里數即有十万八千若說  
身中十惡八邪便說遠只為下根說近為其上智  
人有兩種法无兩般迷悟有殊見有遲疾迷人念  
佛生彼悟人自淨其心所以佛言隨其心淨即佛  
土淨師言東方人但淨心无罪西方人心不淨有愆  
東方人但淨心无罪西方心不淨有愆東方人  
81

造罪念佛求生西方人人造罪造愆彼土令生何  
国凡愚不了自性不識身中西方願東願西悟人  
在處一般所以佛言隨所住處常安樂使君心地  
但无不善西方去此不遙若懷不善之心念佛難到  
今勸善知識先除十惡即行十万除八邪乃過八千  
念見性常行平直到如彈指便觀彌陀能淨能寂  
即是釋迦心起慈悲即是觀音常行喜捨名為  
82

勢至使君但行十善何須更願往生不断十惡之  
心何佛即來迎請若悟衆生頓法見西方只  
在剎那不悟念佛欲往路遙如何達師言某甲与

諸人移西方如剎那間目前便見不願使君頂礼  
言若此處見何須更願往生願和尚慈悲便現  
西方普願得見師言徒衆用心一時若見西方无  
疑即散師言大衆世人自色身是城眼耳鼻

83

舌是城門外有五門內有意識心為地性是王  
居心地上性在王在性去王无性在身心存性无身心  
壞佛向性中作莫向外求自性迷即是衆生離  
迷覺即是佛慈悲即是觀音喜捨名為勢至  
能淨即釋迦平直即弥勒人我是須弥邪心邪水  
是海水煩惱是波浪毒害是惡龍虛妄是鬼神  
塵勞是魚鼈貪嗔是地獄愚癡是畜生善知

84

識常行十善天堂便至除人我須弥倒无邪心  
海水竭煩惱无波浪滅毒害除魚鼈絕自心地  
上覺性如來放大光明外照六門清淨照破六欲  
諸天內照三毒若除地獄一時消散內外明澈不  
異西方不作此脩如何到彼大衆聞說俱歎善哉  
但是迷人了照見性悉皆礼拜唯言善哉普願法  
界衆生聞者一時悟解師言善知識若欲脩行

85

在家亦得不由在寺在家能脩如東方人心善在  
寺不脩如西方人心惡但心清淨即是自性西方  
韋氏曰在家如何脩行願為教授師言與大衆作  
无相頌但依此脩常與吾同處无別若不脩行雖  
在吾邊如隔千里頌曰

說通及心通 如日處虛空 唯傳見性法 出世破邪宗  
法即无頓漸 迷悟有遲疾 只這見法性 愚人不可悉

86

說即雖万般 合理還歸一 煩惱暗宅中 常須生惠日  
邪來煩惱至 正來煩惱除 邪正俱不用 清淨至无餘  
菩提大自性 起心即是妄 淨性在妄中 但正无三障  
世人若脩道 一切盡不妨 常自見己過 與道即相當  
色類自有道 各自不相妨 離道別覓道 覓道不見道  
欲得見真道 行正則是道 自若无道心 闍行不見道  
若真脩道人 不見世間過 若見他人非 自非卻在左

87

他非我不非 我非自有過 但自却非心 打除煩惱破  
欲擬化他人 自須有方便 勿令彼有疑 則是自性見

法元在世間 於世出世間 一切盡打却 菩提性宛然  
師言善知識 忽須誦取依此偈 脩言下見性雖  
去吾千里如常在吾邊 於此言下不悟即對面千  
里各各自脩法不待衆人且散吾歸曹溪山衆若  
有疑却來相問為衆破疑同見佛性時在會道俗豁

88

然大悟 咸讚善哉俱明佛性

九諸宗難問門

大師出世行化四十餘年諸宗難問僧俗約千  
餘人皆起惡心欲相難問師言一切盡无名 於  
自性无二之性是名實性 於實性上建立一切教  
門言下便須自見諸人聞說 忽皆頂礼請事為  
師願為弟子如此之徒說不可盡若論宗旨傳授

89

壇經者即有稟承所付須知去處年月時代姓名  
通相付囑若无壇經稟承者即非南宗弟子  
緣未得所稟雖說頓教法未契本心終不免諍但  
得法者只勸脩行諍是勝負之心与道相違矣  
十南北二宗見性門

世人盡言南能北秀未知事由且秀大師在荆  
南府當陽縣玉泉寺住能大師在韶州城東西

90

十五里曹溪山住法本一宗人有南北何名頓漸  
法即一種見有遲疾法无頓漸人有利鈍故名頓  
漸秀聞師說法任疾直指見性遂命門人志誠曰  
汝聰明多智可与吾到曹溪山礼拜但坐聽法莫  
言吾使汝去汝若聽得盡心記取却來与說吾  
覓彼所見誰遲誰疾火急早來勿令吾恠志誠  
唱喏礼拜便行侄二十五日至曹溪山礼師坐聽

91

不言來處志誠一聞下便悟即起礼拜白言和尚弟子  
在玉泉寺秀和尚處學但見道九年不得契悟今聞和  
尚一說忽然悟解便契本心和尚慈悲弟子生死事  
大又悲輪迴願當教示師曰汝從玉泉來應是細  
作對曰不是師曰何得不是對曰未說即是說了  
不是師曰煩惱菩提亦復如此師問志誠曰吾聞汝  
禪師教示學人唯傳戒定惠未審汝師說戒

92

定惠行相如何與吾說看志誠曰誠秀和尚說諸

惡不作名為戒諸善奉行名為惠自淨其意名為定此是戒定惠彼說如此未審和尚所見如何願為解說師曰秀和尚所見實不可思議吾所見戒定惠又別志誠啟和尚戒定惠只合一種如何更別師曰汝師說戒定惠接大乘人吾戒定惠接取上乘人悟解不同見有遲疾汝聽吾說與

93

彼同不吾所說法不離自性離身說自性常迷須知一切萬法皆從自性起用是真戒定惠等法常見自性心即是自性等佛師言志誠聽吾說心地无非自性戒心地无癡自性惠心地无乱自性定師言汝師戒定惠勸小根人吾戒定惠勸大根智人若悟自性亦不立菩提涅槃亦不立解脫知見无一法可得方能建立萬法是真見性若解此

94

意亦名佛身亦名菩提涅槃亦名解脫知見亦名十方国土亦名恒河沙數亦名三千大千亦名大小藏十二部經見性之人立亦得不立亦得去來自由无滯無无礙應用隨作應語隨答普見他身不離自性即得自在神通遊戲三昧之力此名見性志誠再啟和尚如何是立不立義師曰自性无非无癡无乱念一般若觀照常離法相自由自在縱橫盡得有何

95

可立自性自悟頓悟頓脩亦无漸次所以能立一切法佛言寂滅有何次志誠禮拜便住曹溪願為門人不離左右復有一僧名法達常誦法花經七年心迷不悟正法來詣曹溪禮拜問曰和尚弟子誦法花經心常有疑又不知正法之處和尚惠廣大願為決疑師曰法達法即甚達汝心不達經上无疑汝心自疑汝心邪而求正法吾心正則是持經吾不識文字汝取經

96

便誦一遍師知佛意乃與說經所言法達經來誦誦之一遍吾聞即知法達取經无多語七卷盡是譬喻因緣如來廣說三乘只為世人根鈍經文分明无有餘乘唯一佛乘汝聽一佛乘莫求二乘迷却汝性且經中何處是一佛乘吾聞汝誦經云諸佛世尊唯以一大事因緣故出現於世正法有十六字此法如何解如何脩汝用心聽吾為汝說師言法達人心不思本來寂靜離却邪見大事因緣內外不迷即離兩邊外迷

97

者要於相離相於空離空即是不迷若悟此法一念心開出現於世開何事開佛知見佛由覺也分為四門開覺知見示覺知見悟覺知見入覺知見此名開示悟入從上上處入即覺知見。自本性即得出現師言吾勸一切人於自心地常開佛知見世人心邪愚迷造罪口善心惡貪嗔嫉妬讒妄侵害自開眾生知見世人心正起智惠觀照自心正行善

98

自開佛知見汝須念念開佛知見莫開眾生知見開佛知見即是出世師言法達此是法華經一乘義向下為迷人故汝但依一佛乘師言法達心行轉法花不行法花轉心正轉法花心邪法花轉開佛知見轉法花努力依法脩行即是轉經自心若不念。脩行即當被經轉法達一聞言下大悟涕淚悲泣白大師言實未曾轉法花七年被法花

99

轉念。願脩行佛師言行佛行是佛其在會者得見性復有僧名曰智常禮拜問四乘義啟和尚佛說三乘法又言取上乘弟子不解願為教授師曰汝向自心見莫著外法相法无四乘人心自有四等見聞轉讀是小乘悟法解義是中乘依法脩行是大乘万法盡通万行俱備一切不染離諸法相作无所得名取上乘行也不在口諍汝須自脩莫問吾

100

也一切時中自性自知是四乘義又玉泉有一童子年十三歲南陽縣人名曰神會禮師三拜問曰和尚坐禪還見不見師以柱杖打三下却問吾打汝還痛不痛對云亦痛亦不痛師曰吾亦見亦不見神會問如何是亦見亦不見師曰吾之所見常見自心過愆不見他人是非好惡所以亦見亦不見汝言亦痛亦不痛如何汝若不痛同其木石若

101

痛即同凡夫即起恨師言神會小兒向前見不見是二邊痛不痛屬生滅汝自性且不見敢來弄人神會禮拜誨謝更不敢言師曰汝心迷不見問善知識覓路汝心悟即自見性依法脩行汝不見自心却來問吾見與不見自知代汝迷不得汝若自見不代吾迷何不自知見問吾見不見神會禮經百拜

求謝愆過請事為師不離左右

102

十一教示十僧傳法門 滅度年月附

尔時師喚門人法海志誠法達神會知常智通  
志徹志道法珎法如等報言吾滅度後凡為人  
師改易者多汝等十人向前等不同餘人吾滅  
度後各為一方師吾今教汝諸法不失本宗先  
須舉三科法門動用三十六對出沒即離兩邊  
說一切法莫離自性忽有人問出語盡雙皆取

103

對來云相自究竟二法盡除更无去處三科法門者 陰界  
人  
五陰者 色受想行識 十二入者 外六塵內六門六塵者色聲香味觸法  
六門者眼耳鼻舌身意各有一識  
十八界者 六門六塵六識為之十八 自性含万法名含藏識

若起思量即是轉識 生六識出六門見六塵  
三六十八由自性用自性邪起十八邪合自性正起十  
八正合惡用即衆生善用即是佛用由何等由  
自性對解用即通一切法自身是佛外竟无情五

104

對 天地對陰陽對日月對明暗對水火對 法相語言十二  
對 語法對有為无為對有色无色對有漏无漏對色空對動靜對清濁  
對 對有相无相對凡聖對僧俗對老若對大小對  
自性迷用十九對 長短對邪正對乱定對戒非對直曲對癡  
惠對愚智對慈毒對實虛對險平對煩  
惱菩提對悲苦對嗔喜對捨慳對進退對生滅對 師言此是  
常无常對法身色身對化身報身對都三十六對

三十六對法若解用即通貫一切經出入即離  
兩邊自性動用共人言語外於相離相內於空離  
空若執全空唯長无明人却謗經言不用文字師

105

曰說法之人口云不用文字世人道者盡不合言正  
語之時即是文字文字上說空本性不空即是文  
字文字无邪正即自大道不立文字這不立兩字  
即是文字見人所說便即謗他言著文字汝等須知  
自迷猶可又謗佛經不要謗經罪障無數著相於  
外而求真戒廣立道場說有无之過患知是  
之人累劫不可見性不勸依法行莫百物不思於

106

道自生質礙若聽說不脩令人返生邪念但能依法脩行常行无相法施師言汝等悟依此說依此用依此行依此作即不失本宗若有人問汝義問有将无答问无将有答问凡以聖對問聖以凡對問一邊将二邊對二法相因生中道義教汝一問餘問一依此作三十六對法即不失理也吾今教汝一答人問何名為暗答云明是因暗即緣暗有

107

明と沒即暗但无明暗以明顯暗以暗現明來去相因成中道義餘問未悉皆如此師教十僧已報言於後傳法通相教授壇經即不失宗旨汝今得了遞代流行後人得遇壇經如親見吾教示十僧汝等抄取代と流行若有壇經必當見性大師先天元年於新州国恩寺造塔至二年七月八日喚門人別師言汝等近前吾至八月欲離世間汝等有疑早須相問為

108

破疑當令迷盡便汝樂吾若去後无人教汝海等聞悉皆涕泣唯有神會不動神情亦無涕泣師曰神會小師却善不善等毀譽不動餘者空得數年在山脩行何道汝今悲泣誰為憂阿誰若若憂不知去處吾自知去吾若不知去處終不別汝  
不悲泣法性躰无生滅去來汝等坐吾與  
等と悲泣為不知吾去處知吾去處與汝等一偈  
名曰真假動靜汝等誦取此偈與吾意同依此

109

脩行不失宗旨眾僧作礼請師說偈  
一切无真有 不以見於真 若見於真 是見盡非真  
若能自有真 離假即非真 自心不離假 无真何處真  
有情即解動 无情即不動 若脩不動行 同无情不動  
若覓真不動 動上有不動 不動是不動 无情无佛種  
能善分別相 第一義不動 但作如是見 即是真如用  
報諸學道人 努力自用意 莫於大乘門 却執生死智

110

若言下相應 即共論佛義 若實不相應 合掌令歡喜  
此宗本无諍 諍即失道意 執迷諍法門 自性入生死  
時眾僧聞知大師意更不敢諍各自攝心依法脩  
行一時礼拜即知大師不久住世法海上座問曰和尚  
去後衣法當付何人師言吾於大梵寺說法真至今  
日抄錄流行名法寶記汝等守護度諸群生但

依此說是真正法師言法海向前吾滅度後二十

111

年間邪法繚亂惑我正宗有一南陽縣人出來不惜身  
命定於佛法豎立宗旨即是吾法弘於河洛此教  
大行師曰汝今須知衣不合傳汝若不信吾與汝  
說先聖達磨大師傳衣偈據此頌意衣不合傳汝  
聽偈曰

吾本來東土說法救迷情一花開五葉結果自然成  
師曰吾有一偈用先聖大師偈意

112

一地含種性 法雨即花生 頓悟花情已 菩提果自成  
師說偈已令門人散衆相謂曰大師多不久住世間  
師至先天二年八月三日食後報言汝等各著位坐  
今共汝別時法海問言此法從上至今傳幾代願  
和尚說師曰初六佛釋迦 第七迦葉 阿難 末田地  
商那和脩 優波掬多 提多迦 佛陞難提 伏馱蜜多  
脇尊者 富那夜奢 馬鳴 毗羅尊者 龍樹 迦那提多

113

羅睺羅多、僧伽那多 僧迦那含 九摩羅馱 闍那多  
波脩盤頭 摩拏羅 鶴勒那 師子比丘 舍那婆斯  
優般掘多 婆須蜜多 僧迦僧羅又 菩提達磨 北齊  
惠可 唐僧際<璨> 唐道信 唐弘忍 五今惠能  
師曰吾今付法於汝等於後遞相傳授須有稟  
承衣紛莫失宗旨法海曰言和尚留何教法令後  
代迷人得見自性師言汝聽後代迷人若識衆生

114

即見性若不識衆生万劫覓佛難逢吾今教汝識自  
心衆生見自心佛性汝志心聽吾與汝說後代之人  
欲求見佛但識衆生師曰只為衆生迷佛非是佛  
迷衆生自性若悟衆生是佛自性若迷佛是衆生  
自性平直衆生是佛自性邪險佛是衆生師言  
法海汝等心若險曲即佛在衆生中一念平直用  
心是衆生成佛我心自有佛自若无佛心何處求真佛

115

# 吾今留一偈與汝等別名自性真佛偈後代迷人  
識此偈意自正本心自成佛道偈曰  
真如性淨是真佛 邪見三毒是魔王  
邪迷之時魔在舍 正見之時佛在堂  
性中邪見三毒生 即是魔王表住舍

正見自除三毒心 磨變成佛真无假  
法身報身及化身 三身本來是一身  
116

若向性中能自見 即是成佛菩提因  
從本化身生淨性 即性常在化身中  
性使化身行正道 當來性智更无窮  
姪性本是淨性因 除姪即无淨性身  
性中各自離五欲 見性剎那即是真  
今生若悟頓法門 忽見自性現世尊  
汝等脩行覓作佛 自性自見正中真  
117

若能心中見自真 有真即是成佛因  
不見自性外覓佛 起心忽是大癡人  
頓教法門今已留 救度世人須自修  
報汝當來學道者 不作此見大悠々  
師說偈了報言今共汝別吾滅度後莫作世情  
悲泣兩淚受人弔問身著孝服非吾弟子亦非  
正法但如吾在日一時盡坐无動无靜无生无滅  
118

无去无來无是无非无住无往无名无字恐汝心迷  
不會吾意吾今再囑令汝見性吾滅度後依  
此脩行如吾在日汝等違法縱吾在世終无有  
益大師言訖夜至三更奄然遷化大師春秋  
七十有六師遷化日寺內異香氣氤縕于七日  
感得山崩地動草木變白日月无光天地失色  
群鹿鳴叫至夜不絕先天二年八月三日夜三更  
119

時於蕪州国恩寺圓寂餘在功德塔記具述至  
十一月韶廣二州門人迎師神坐向曹溪山葬忽  
於龕內白光出現直上衝天三日始散韶州奏  
聞奉勅立碑供養洎乎法海上座无常以此壇經  
付囑志道志道付彼岸彼岸付悟真悟真付圓  
會通代相傳付囑一切万法不離自性中見也  
六祖壇經卷下  
120

後叙

余嘗公暇信覽曹溪六祖大師壇經導化迷  
愚之人令識本心見本性自悟成佛莫向外  
求言直理玄法々非法不可思議乃勸諸善諦

印經受持獲大功德无上菩提者也大中祥  
符五年歲次壬子十月八日傳教弟子寅德郎守  
121

尚書屯田員外郎騎都尉賜緋魚袋周希古叙  
都勸緣廣教院主僧 保昌 金花  
山人嚴方外 書瀧西卓 海 刊 字

122

空頁